

S M J E R N I C E
ZA TROGODIŠNJE PLANIRANJE RADA
UNSKO-SANSKOG KANTONA
ZA PERIOD 2024. - 2026. GODINA

Sadržaj

1. Svrha Smjernica	1
2. Kratak osvrt na opšti razvojni kontekst uključujući izazove i rizike	1
3. Strateški pravci razvoja	3
4. Strateški projekti	6
5. Indikativni finansijski okvir	8
Aneks 1: Akcioni plan za period 2024.-2026. godine.....	9

1. Svrha Smjernica

Izrada Smjernica za trogodišnje planiranje rada Unsko-sanskog kantona za period 2024.-2026. godine (u daljem tekstu: Smjernice) obaveza je u skladu sa Uredbom o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine (u daljem tekstu: FBiH) („Službene novine Federacije BiH“, broj: 74/19 i 2/21) (u daljem tekstu: Uredba). Smjernice predstavljaju osnovu za planiranje rada kantonalnih organa uprave i kantonalnih upravnih organizacija u naredne tri godine, kako bi se na adekvatan način uključili razvojni prioriteti koji su definisani Strategijom razvoja Unsko-sanskog kantona za period 2021.-2027. godina, Okvirom za implementaciju ciljeva održivog razvoja u BiH, ekspozicijom kantonalnog premijera i drugim relevantnim dokumentima. Smjernice imaju za cilj da potenciraju ključne aktivnosti koje je neophodno poduzeti u narednom planskom ciklusu, a koje imaju sinergijski efekat za više oblasti društveno-ekonomskog života kantona.

Uredbom su propisani minimalni elementi Smjernica, a iste se izrađuju svake godine za period od tri godine (1+2) i pripremaju u skladu sa strateškim dokumentima relevantnim za Unsko-sanski kanton. Pored toga što predstavljaju usmjerenje za budući rad organa uprave, Smjernice služe i ostalim zainteresovanim stranama (vaninstitucionalnim akterima) kao vodilja za planiranje i implementaciju konkretnih projekata i aktivnosti u narednom trogodišnjem periodu.

2. Kratak osvrt na opšti razvojni kontekst uključujući izazove i rizike

Unsko-sanski kanton je prema **indeksu razvijenosti**¹ u 2021. godini, rangiran kao osmi od deset kantona u Federaciji Bosne i Hercegovine s indeksom razvijenosti od 0,41 što ga stavlja u treću grupu razvijenosti. Prema rezultatima popisa stanovništva iz 2013. godine, Unsko-sanski kanton je sa 273.261 stanovnika i 66,25 stanovnika/km² četvrti po broju stanovnika i sedmi po gustoći naseljenosti među kantonima u Federaciji Bosne i Hercegovine. Iz ugla **demografskih kretanja**, zabrinjavajući je stalan pad broja stanovnika u Unsko-sanskom kantonu. Broj stanovnika tokom 2021. godine je iznosio 264.248, što je za 2.287 osoba manje u odnosu na 2020. godinu. Također, stopa prirodnog priraštaja je u posljednjih pet godina negativna. Velik broj stanovnika se odseljava u evropske zemlje, te je s tog aspekta neophodno poduzimati adekvatne mjere poput pružanja finansijske i stambene podrške, usklađivanja porodiljstva s radnim i drugim obavezama koje bi pružile sigurnost ostanka i dobre uslove života.

Na kraju 2021. godine, vrijednost izvoza u USK je iznosila 545 miliona KM, što predstavlja pozitivan trend za privredu ovog kantona, a prosječna mjesečna neto plata je iznosila 1.022 KM². Također, prosječan broj zaposlenih na Unsko-sanskom kantonu je u blagom porastu i iznosi 37.712 zaposlenu osobu tokom 2021. godine što je više za 627 zaposlenih osoba u odnosu na 2020. godinu. Ovaj podatak za sobom povlači i činjenicu da je tokom 2021. godine, registrovano ukupno 34.194 nezaposlenih osoba, što je u odnosu na 2020. godinu manje za ukupno 612 osoba.

¹Federalni zavod za programiranje razvoja

² Federalni zavod za statistiku – Mjesečni statistički pregled FBiH po kantonima (presjek za period januar-oktobar 2022.).

Tokom 2021. godine ostvarene investicije u nova stalna sredstva iznose ukupno 161.231,00 KM, dok indeks obima industrijske proizvodnje iznosi 99,3.

Obzirom da je turizam jedna od razvojnih perspektiva ovog kantona osjetan je određeni progres u ovoj oblasti, što je vidljivo iz broja turističkih dolazaka koji za 2022. godinu iznose ukupno 49.128 dolazaka, što je za 3.845 dolazaka više u odnosu na 2021. godinu. Isti progres je evidentiran i u broju noćenja turista na području kantona koji za 2022. godinu iznosi ukupno 78.673 noćenja, što je u odnosu na 2021. godinu više za 2.275 noćenja.³ Ovi podaci ukazuju na porast interesovanja i potražnje za turističkom ponudom u Unsko-sanskom kantonu. Ovu oblast je potrebno u narednom periodu razvijati dodatno, posebno sa aspekta obogaćivanja turističke ponude, razvijanja turističkih destinacija i promocije istih, te uvezivanja istih sa privredom, posebno ruralnim krajevima koji obiluju prirodnim bogatstvima koja čine turističku ponudu. Također, kod ove oblasti je moguće raditi na povezivanju poljoprivredne proizvodnje sa prerađivačkom industrijom, ali i turističkom ponudom. Povećanje stepena korištenja prirodnih resursa razvojem i modernizacijom kapaciteta u poljoprivredi i povezivanjem poljoprivrednih proizvođača sa tržištem će biti jedan od prioriteta razvoja USK u narednim godinama.

Unsko-sanski kanton u kontinuitetu bilježi godišnji pad broja učenika u osnovnom i srednjem obrazovanju. To je posebno vidljivo u područnim školama za koje je potrebno izvršiti racionalizaciju po pitanju korištenja, bilo kroz jačanje/proširenje kapaciteta postojećih centralnih škola kojima pripadaju ili njihovu prenamjenu. Kurikularna reforma koja je u toku treba da se nastavi provoditi u skladu sa svim relevantnim EU standardima i praksama, a koju prati i proces digitalizacije sektora obrazovanja koji također zahtjeva daljnja unapređenja, kako kapaciteta tako i opreme. Neusklađenost obrazovnog sistema sa tržištem rada je jedan od ključnih nedostataka razvoja kantona i to je poseban faktor kojem se treba posvetiti posebna pažnja i detaljna analiza.

Oblast javnog zdravstva na Unsko-sanskom kantonu zahtjeva mnoga systemska unapređenja. Iako se bilježi kontinuirano smanjenje broja građana na jednog ljekara (1 ljekar na 718 stanovnika i 1 bolesnička postelja na 384 stanovnika), razlog istome nije povećan broj ljekara na kantonu, nego smanjen broj stanovnika. Iako se bilježe određena unapređenja u oblasti sistema integrisanih zdravstvenih usluga, povećanje broja usluga sekundarnog i tercijarnog nivoa je prezasićeno i zahtjeva adekvatne promjene. Unapređenje kapaciteta i nabavka opreme su prioriteti svih zdravstvenih ustanova uz pružanje podrške uspostavljanju i razvoju visokodiferenciranih usluga i terapijskih zahvata koji će dovesti do bržeg i lakšeg pristupa zdravstvenim uslugama svim pacijentima.

S aspekta javne sigurnosti tokom 2021. godine **sigurnosno stanje** Unsko-sanskog kantona može biti okarakterizirano smanjenjem broja evidentiranih krivičnih djela, a povećanjem broja prekršaja iz oblasti javnog reda i mira i povećanje broja saobraćajnih nezgoda. Važno je istaći da je u toku 2021. godine broj krivičnih djela na 1000 stanovnika u kantonu iznosio 4,71, a broj prekršaja na 1000 stanovnika je bio 14,8. Unsko-sanski kanton i dalje predstavlja najoptimalniju

³ Izvor: Federalni zavod za statistiku FBiH – kod ovog izvora podataka za 2022. godinu su korišteni podaci za period od januara do oktobra 2022. godine obzirom da podaci za posljednja dva kalendarska mjeseca u momentu izrade Smjernica nisu bili dostupni.

migrantsku rutu te je dinamika pristizanja osoba u pokretu i dalje prisutna, u nešto manjem obimu tokom 2022. godine.

Unsko-sanski kanton, putem odgovornog prostornog planiranja, s ciljem dinamičnog razvoja i ubrzane, ali održive urbanizacije, treba da prati sva savremena načela i standarde zaštite okoliša. Kao što je već prepoznato u usvojenim strateško - provedbenim aktima i dokumentima (planovi upravljanja), u saradnji sa građanima i poslovnom zajednicom, Unsko-sanski kanton treba da ulaže i gradi prateću komunalnu i industrijsku infrastrukturu, tako da ona podržava dugoročne potrebe zajednice i minimizira uticaj na okoliš, što također uključuje i efikasno korištenje obnovljivih izvora energije. Posebno je važno pronalaženje održivog rješenja za upravljanje otpadom, u smislu lokacije potencijalne nove regionalne sanitarne deponije i posljedičnog smanjenja negativnih uticaja zagađenja na vodu, zrak, tlo, prirodu, zaštićena područja, a time i na zdravlje ljudi.

3. Strateški pravci razvoja

Strategija razvoja Unsko-sanskog kantona za period 2021.-2027. godina usvojena je na 17. redovnoj sjednici Skupštine Unsko-sanskog kantona dana 19.05.2021. godine („Službeni glasnik broj: 35/21). Vlada Unsko-sanskog kantona je usvajanjem Strategije razvoja Unsko-sanskog kantona definisala i uskladila razvojne pravce i prioritete Unsko-sanskog kantona sa ključnim nacionalnim i međunarodnim razvojnim dokumentima. Kroz privredni razvoj zasnovan na znanju i održivom korištenju prirodnih resursa, razvoj inkluzivnog i prosperitetnog društvenog sektora te održivu zaštitu okoliša i prirode kroz promociju i podsticanje održivog korištenja resursa, Unsko-sanskog kanton teži ka ostvarenju vizije razvoja sa kojom će postati Euro regija – smaragd Bosne i Hercegovine, područje ugodnog života temeljenog na ravnomjernom održivom razvoju. Iz navedenih strateških pravaca razvoja kao i vizije razvoja Unsko-sanskog kantona definisana su tri strateška cilja do 2027. godine:

#	Strateški ciljevi razvoja:
1.	Izgrađeni privredni kapaciteti uz održivo korištenje prirodnih resursa;
2.	Unaprijeđen razvoj inkluzivnog i prosperitetnog društvenog sektora;
3.	Održivo upravljanje okolišem, prirodnim i infrastrukturnim resursima.

Stepen realizacije definisanih strateških ciljeva će se mjeriti kroz set indikatora uticaja definisanih Strategijom razvoja Unsko-sanskog kantona do 2027. godine koji obuhvataju ekonomski razvoj, društveni razvoj te zaštitu životne sredine. Stepem razvoja Unsko-sanskog kantona u periodu od 2021.-2027. godine će se mjeriti kroz sljedeće indikatore:

#	Strateški cilj	Indikator uticaja	Polazna vrijednost (2019.)	Vrijednost (2021.)	Ciljna vrijednost (2027.)
1.	<i>Izgrađeni privredni kapaciteti uz održivo korištenje prirodnih resursa</i>	Vrijednost izvoza	386 mil KM	367 mil KM	545 mil KM
		Prosječna neto plata u prerađivačkoj industriji	705 KM	729 KM	800 KM
		Prosječna neto plata u ugostiteljstvu i hotelijerstvu	521 KM	507 KM	511 KM
2.	<i>Unapređen razvoj inkluzivnog i prosperitetnog društvenog sektora</i>	Stopa neto migracija ⁴	-2,8	-3,5	-2,7
		Grupa razvijenosti kantona na nivou FBiH	III	III	III
3.	<i>Održivo upravljanje okolišem, prirodnim i infrastrukturnim resursima</i>	Udio komunalnog otpada koji se odlaže na sanitarne deponije, %	0	0	0
		% građana spojen na kanalizacionu mrežu ⁵	30,80 %	31%	31,38%
		Broj važećih Prostornih planova JLS	3	3	3

Definisani strateški ciljevi USK su direktno usklađeni i proizilaze iz nekoliko ključnih strateških dokumenata sa viših nivoa vlasti u Bosni i Hercegovini, što je detaljno i obrazloženo u dokumentu Strategije razvoja Unsko-sanskog kantona za period 2021.-2027.

Detaljan prikaz indikatora po strateškim ciljevima po indikatorima obrazložen je u narednoj tabeli:

#	Strateški cilj	Prioritet	Indikatori	2019	2021	2027
1.	<i>Izgrađeni privredni kapaciteti uz održivo korištenje prirodnih resursa</i>	<i>1.1. Uspostavljanje sistema za održivo korištenje i odgovorno upravljanje prirodnim resursima</i>	Udio poljoprivrednog zemljišta USK koje se produktivno koristi, izraženo u ha	37.697,10	32.798	50.000,00
			Ostvareni prihodi od koncesija od eksploatacije rudnih nalazišta, izraženo u KM	616.000,00	-	800.000,00

⁴ Indikator koji je naveden u Strategiji razvoja USK 2021.-2027. kod Strateškog cilja br.2. pod nazivom "Stepen migracija stanovništva" nije bilo moguće pratiti te se isti preimenovao u "Stopa neto migracije". – Izvor: Federalni zavod za statistiku "Demografska statistika"

⁵ Indikator koji je naveden u Strategiji razvoja USK 2021.-2027. kod Strateškog cilja br.3. pod nazivom " Postotak građana spojen na kanalizacijsku mrežu" će se na prijedlog nosioca mjere - Ministarstva građenja, prostornog uređenja i zaštite okoliša USK, pratiti na način da će se u obzir uzimati „stepen pokrivenosti kanalizacionom mrežom“ koji se prikuplja od strane kantonalnih JLS i na osnovu dobijenih podataka stvara zbirni podatak, kako je i sada učinjeno.

			Drva sirovina (krupno drvo iz privatnih i javnih šuma) posječeno u USK, izraženo u m ³	394.521,00	354.951,53	661.000,00
		1.2. Unapređenje poslovnog okruženja	Broj novoosnovanih privrednih subjekata	187	632	220
			Broj aktivnih poslovnih zona u USK	10	11	14
		1.3. Unapređenje konkurentnosti prerađivačke industrije	Broj registrovanih preduzeća u USK	1925	1992	2100
			Godišnja vrijednost izvoza preduzeća iz USK	386 mil KM	546 mil KM	500 mil KM
			Prosječna mjesečna neto plata u prerađivačkoj industriji USK	705 KM	800 KM	1000 KM
		1.4. Promocija održivog turizma i efektiviranje turističkih potencijala.	Broj turističkih dolazaka/broj noćenja	64,416 / 101,210	45.283 / 76.398	95,000 / 150,000
			Ukupan prihod od turizma, izraženo u KM	-	49.25.042,28	73.390.846,55
			Broj zaposlenih u turizmu	-	-	-
2.	Unapređen razvoj inkluzivnog i prosperitetnog društvenog sektora	2.1. Usklađivanje sistema obrazovanja u skladu sa EU praksama	Broj djece uključene u programe predškolskog odgoja i obrazovanja	-	1138	nije definirano
			Broj odgojno-obrazovnih ustanova (osnovne i srednje škole) u kantonu	72	72	50
			Broj učenika na 1000 stanovnika srednje obrazovanje	30	28	40
			Broj učenika na 100 stanovnika osnovno obrazovanje	72	68	90
		2.2. Jačanje socijalne inkluzije i pristupa zasnovanih na potrebama korisnika	Broj korisnika po 1 stručnom zaposlenom u socijalnom radu	59	58	66
			Prirodni priraštaj	-2,2	-5,3	1
		2.3. Unapređenje sistema integriranih zdravstvenih usluga	Broj građana na 1 ljekara	757	718	500
			Broj građana na 1 stomatologa	6534	7142	4000
			Stopa mortaliteta	8,7	10,6	6
		2.4. Povećanje stepena javne sigurnosti i održivo upravljanje rizicima od prirodnih i drugih nesreća	Broj aktera zaštite i spašavanja Unsko-sanskog kantona uvezanih u sistem radio veze	0	9	nije definirano
			% krivičnih djela na 1000 stanovnika	6,20%	4,70%	5%
			Broj prekršaja na 1000 stanovnika	13,40%	14,80%	10%

3.	<i>Održivo upravljanje okolišem, prirodnim i infrastrukturnim resursima</i>	<i>3.1. Podrška primjeni integralnog sistema upravljanja okolišem i prostorom u upravljanju prirodnim resursima</i>	Postotak implementacije godišnjih akcijskih planova upravljanja i zaštite za zaštićena područja i druge ugrožene dijelove biološke raznolikosti	0%	0%	80%
			Ukupno suspendovane materije na nelegalnim deponijama	10,935 kg/god	-	0
			Postotak prekoračenja graničnih vrijednosti koncentracija pojedinih zagađujućih materija	-	-	ispod 40 ug/m ³
		<i>3.2. Razvoj komunalne i javne infrastrukture na principima održivog okolišnog razvoja</i>	Stepen pokrivenosti USK prostorno-planskom dokumentacijom	45%	50%	100%
			Postotak gubitka vode u vodoopskrbnom sistemu USK	51,50%	53,60%	20%

4. Strateški projekti

Strategijom razvoja Unsko-sanskog kantona za period od 2021.-2027. godine, Vlada Unsko-sanskog kantona se opredijelila za nekoliko strateških projekata, čija realizacija bi trebala da osigura najšire pozitivne društveno-ekonomske efekte koji će doprinijeti razvoju ekonomskog i društvenog razvoja kao i zaštite životne sredine:

1. Usklađivanje zemljišnih knjiga sa katastarskim stanjem i stanjem na terenu;
2. Uspostavljanje poslovnog inkubatora;
3. Rekonstrukcija i povećanje smještajnih kapaciteta kao i boljeg korištenja prirodnih resursa Lječilišta Gata;
4. Izgradnja Administrativnog centra USK;
5. Uspostavljanje robnih rezervi USK.

Kako bi se osigurala realizacija strateških projekata, ali i prioriteta definisanih Strategijom razvoja Unsko-sanskog kantona 2021.-2027. godine, kao i drugim strateškim dokumentima na višim nivoima vlasti u BiH, Vlada Unsko-sanskog kantona će se u periodu od 2024. - 2026. primarno fokusirati na realizaciju slijedećih mjera i aktivnosti koje pokrivaju ekonomski i društveni sektor, infrastrukturu i zaštitu okoliša:

- Intenzivirati primarnu poljoprivrednu proizvodnju u svrhu dostatnosti poljoprivrednih proizvoda za stanovništvo Unsko-sanskog kantona, koji ima za cilj osigurati djelomičnu neovisnost Unsko-sanskog kantona o uvozu hrane te potaknuti bolju iskorištenost poljoprivrednih kapaciteta, proizvodnju kao i izgradnju prehrambenih kapaciteta. Također

je bitno zaokružiti cijeli proces od proizvodnje do prerade te marketinga i korištenja gotovih proizvoda.

- Uspostavljanjem robnih rezervi Unsko-sanskog kantona s fokusom na poljoprivredne proizvode, osigurale bi se minimalne potrebe stanovništva i privrede u uslovima neposredne opasnosti, prirodnih nepogoda i drugih vanrednih prilika te bi se iste koristile za intervencije na tržištu u uslovima poremećaja u snabdijevanju stanovništva i privrede.
- U cilju razvoja održivog turizma neophodno je obogatiti turističke sadržaje i ponudu što se može osigurati putem sljedećih projektnih aktivnosti: uvezivanje i uređivanje starih gradova, kula i kulturnih spomenika na cijelom kantonu; rekonstrukcija/uređenje tvrđave Ostrožac i dvorca Lothara Berksa te izgradnja i uspostavljanje biciklističkih/hiking staza i šetnica kroz NP Una i njegovo uvezivanje s naseljima Račić i Lohovo.
- Dodatnim ispitivanjem termalnih voda u lječilištu "Gata", te proširenjem kapaciteta lječilišta "Gata" Vlada Unsko-sanskog kantona planira stvoriti uvjete za dodatni razvoj banjskog turizma, ali i zdravstva u cjelini te povećati smještajne kapacitete za 20% u odnosu na trenutno stanje.
- Infrastrukturnim uređenjem i rekonstrukcijom postojećih objekata Kantonalne bolnice „Dr. Irfan Ljubijankić“ te kadrovskim jačanjem i tehničkim opremanjem stvorili bi se uslovi za osnivanje univerzitetsko-kliničke bolnice.
- Iskorištavanjem postojećih kapaciteta domova zdravlja posebno Doma zdravlja Bosanski Petrovac stvorili bi se uslovi za smještaj, njegu i skrb za ranjive kategorije, odnosno djecu i lica s poteškoćama u razvoju.
- Digitalizaciji i transformaciji javne uprave se treba pristupiti promptno u cilju reforme i modernizacije javne uprave kroz e-upravu, što obuhvata kvalitetno opremanje institucija, jačanje i edukaciju kadrova kako bi se uspostavili interoperabilni registri organizovani po principu one-stop-shopa (sve usluge na jednom mjestu). Ove aktivnosti podrazumijevaju uvezivanje postojećih izvornih registara, pristup podacima i javnim uslugama, kroz definiranje obavezujućih pravila i standarda (telekomunikacioni linkovi, adekvatne performanse mrežnih resursa, nabavka opreme i sl.);
- U cilju realizacije Agende 2030 čiji potpisnik je i BiH neophodno je raditi kontinuirano na unapređenju sistema upravljanja razvojem i implementaciji Okvira za realizaciju ciljeva održivog razvoja BiH kroz aktivnu realizaciju prioriteta, mjera i aktivnosti povezanih sa Ciljevima održivog razvoja, jačanje međusektorskih veza kroz poticanje participatornog pristupa i vođenje brige o najranjivijim kategorijama stanovništva u Unsko-sanskom kantonu;
- Jačanjem kadrovskih i tehničkih kapaciteta policije te izgradnjom novih i rekonstrukcijom postojećih objekata s ciljem unapređenja kapaciteta za nošenje sa migrantskom krizom i sigurnosti građana u Unsko-sanskom kantonu, planira se smanjiti broj krivičnih djela i prekršaja i time povećati sigurnost građana.
- U cilju sprečavanja novih i smanjenja postojećih rizika od prirodnih katastrofa i nesreća raditi na izradi i provedbi integriranih institucionalnih mjera koje sprečavaju i smanjuju izloženost opasnosti i ranjivosti na katastrofe, te povećavaju spremnost za odgovor i oporavak od mogućih katastrofa i nesreća, a time jačaju i otpornost na iste putem jačanja ljudskih kapaciteta kroz različite programe obuka i edukacija te nabavke opreme i uvezivanje kantonalnih sa lokalnim predstavnicima Civilne zaštite kroz sistemski uvezane mehanizme;
- Realizacija kurikularne reforme u predškolskom, osnovnom i srednjem obrazovanju će omogućiti razvijanje kurikuluma po nivoima obrazovanja i predmetnim područjima te

omogućiti usklađivanje obrazovnog sistema s potrebama tržišta rada što će doprinijeti smanjenju broja nezaposlenih i čime će se ublažiti stepen migracije stanovništva.

- Digitalizacija obrazovnog sistema u Unsko-sanskom kantonu ima za cilj digitalizaciju administracije, ali i međusobne komunikacije učenika, nastavnika i školskih upravljačkih struktura kao i samih škola s Ministarstvom obrazovanja, nauke, kulture i sporta.
- Izgradnja plinovoda na području Unsko-sanskog kantona. Projekat gasifikacije Unsko-sanskog kantona planiran je Strateškim planom i programom razvoja energetske sektora FBiH iz 2009. godine i obilježen je kao srednjoročni projekat od značaja za Federaciju Bosne i Hercegovine s planiranim ulazom prirodnog gasa iz pravca Republike Hrvatske. U prvoj fazi je predviđena gasifikacija gradova u blizini granice, dok bi se u drugoj fazi projekta gasifikacija proširila i na ostale gradove Unsko-sanskog kantona. Realizacijom ovog projekta došlo bi do povećanja tržišta prirodnog gasa u BiH, ali i povećanja sigurnosti snabdijevanja, obzirom da bi se obezbijedio novi ulaz za cjelokupni sistem.
- Nastavak izgradnje aerodroma u USK, koji je jedan od strateških prioriteta za Unsko – sanski kanton jer bi se s izgradnjom navedenog aerodroma postigla bolja i brža povezanost s glavnim gradom, zatim bi se omogućila bolja povezanost dijaspore s Unsko-sanskim kantomom i na kraju uveliko bi se doprinijelo razvijanju Unsko-sanskog kantona kao turističke destinacije.
- Korištenjem obnovljivih izvora energije i uspostavljanjem mehanizama za programe energetske efikasnosti raditi na smanjenju potrošnje energije kao i smanjenju stakleničkih plinova (kroz projekte izgradnje vjetroparkova, solarnih elektrana, uvođenje mjera energetske efikasnosti na javnim objektima i sl.).
- Razvojem cestovnog prometa na pravcu Bihać – Karlovac - Novo Mesto, izgradnjom brze ceste na dionici Velika Kladaša – Cazin – Bihać i zaobilaznice Bihać – Cazin te povezivanjem grada Bihaća sa općinom Bosanska Krupa, općine Sanski Most sa gradom Prijedor bi se osiguralo jačanje transportnih i saobraćajnih kapaciteta te povećati vrijednost izvoza, ukupan prihod od turizma i broj novih investicija.
- Jačanjem saradnje sa dijasporom Vlada Unsko-sanskog kantona planira stvoriti priliku za umrežavanje, trgovanje, investiranje, istraživanje i transferiranje znanja, vještina, inovacija, tehnologija, institucija i vrijednosti i time povećati udio novih investicija i broj novoosnovanih privrednih subjekata.

5. Indikativni finansijski okvir

Vrijednost finansijskih sredstava za realizaciju projekata i aktivnosti:

<i>Br. S.C.</i>	<i>Naziv strateškog cilja</i>	<i>Iznos sredstava 2024.-2026.</i>	<i>Udio u %</i>	<i>Iznos sredstava za 2024.g</i>
S.C.1.	Izgrađeni privredni kapaciteti uz održivo korištenje prirodnih resursa	88.987.669	25,96 %	32.762.669

S.C.2.	Unapređen razvoj inkluzivnog i prosperitetnog društvenog sektora	112.292.200	32,75 %	42.246.400
S.C.3.	Održivo upravljanje okolišem, prirodnim i infrastrukturnim resursima	141.572.503	41,29 %	52.406.962


Udio očekivanog finansiranja po izvorima:

Br.	Izvor finansiranja	Iznos	Udio u %
1.	Budžetska sredstva	160.337.869	46,77 %
2.	Vanjski izvori finansiranja	182.514.503	53,23 %

Aneks 1: Akcioni plan za period 2024.-2026. godine

Broj: 03/1-45-1524-2/23
 Bihać, 02.03.2023.god.





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), Vlada Unsko-sanskog kantona na 399. sjednici održanoj dana 23.02.2023. godine, d o n o s i :

ODLUKU

I

Usvajaju se Smjernice za trogodišnje planiranje rada Unsko-sanskog kantona za period 2024.–2026. godine.

II

Ova Odluka stupa na snagu danom donošenja i objavit će se u „Službenom glasniku Unsko-sanskog kantona“.

Broj: 03-017-5556/2023
Bihać, 23.02.2023. godine



